



Mónica González Pavón, vicesecretària-interventora deth Conselh Generau d'Aran.

## CERTIFIQUI:

Qu'eth Conselh de Govèrn, en session ordinària deth 18 de mai de 2026 adoptèc, entre d'auti, er acòrd següent e que transcrit literaument ditz:

“2au.- APROBACION, SE PROCEDÍS, DETH PLEC DE CLAUSULES ADMINSITRATIVES PARTICULARES, DER EXPEDIENT DE CONTRACTACION E DERA LICITACION DES ÒBRES DE MIELHORA E MANTENIMENT DE CAMINS DERA VAL D'ARAN 2026, MEJANÇANT PROCEDIMENT DUBÈRT SIMPLIFICAT, DAMB TRAMITACION ORDINÀRIA [CAMINS VESIAUS].- (Exp. num. 3084-0002/2026)

Eth Conselh Generau d'Aran a eth besonh de realizar es següentes actuacions recuelhudes en projècte d'òbres de “Mielhora e mantienement de camins dera Val d'Aran 2026” entà mielhorar es camins següents e garantir era sua foncionalitat:

- LÒT 1:
  - Adequacion deth Camin d'accès ath nuclèu de poblacion d'Era Bordeta e as edificacions disseminades deth municipi d'Es Bordes (Camin 1): aportacion de tot-un entara regularizacion deth terren, reg asfaltic d'aderència e pavimentacion bituminosa.
  - Carretèra d'accès a Arròs des de Varradòs, (Camin 3): pavimentacion bituminosa, sus er actuau paviment maumetut.
- LÒT 2:
  - Camin d'accès a Vielha pera Ribèra, (Camin 2): nivelacion deth paviment de terres damb mieis mecanics e construccion de pavimentacion de hormigon damb fibres e cuneta laterau.

Vist eth Decret de Sindicatura num. 0261/2026, de 12 de mai en quau se demane informe per part dera Secretaria Generau e dera Intervencion de Hons.

Vist eth projècte tecnic de “Millora i manteniment de Camins de la Val d'Aran 2026” per impòrt de 315.000,00 € (IVA includit) redactat per arquitecte tecnic deth Conselh Generau d'Aran, Sr. Jordi Mestre González.

Vist er informe favorable dera vicesecretària-interventora dera Corporacion e er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar, dera madeisha data.





Visti eth Plec de clausules administratives particulars redactats.

Cossent damb eth certificat favorable d'existència de crèdit adequat e sufisent dera Intervencion de Hons, eth finançament des òbres a contractar serà previst ena aplicacion pressupostària num. 2026/01.454.609.05 deth pressupòst generau vigent entar exercici 2026.

Cossent damb çò que dispausen es articles 13, 25, 28, 116, 117, 118.1, 122, 159 e Disposicion addicionau dusau e tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govèrn aprovar eth Plec de clausules administratives particulars, er expedient de contractacion atau coma era licitacion des òbres nomentades, en tot tier en compde qu'era adopcion d'aguest acòrd ei competència deth Conselh de Govèrn, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [BOP de Lleida num. 159, de 19 d'agost de 2023 e DOGC num. 8980, de 16 d'agost de 2023].

Un còp sotmetuda era prepausa a votacion e debat, eth Conselh de Govèrn *acòrde per unanimitat* des tres (3) membres presents deth totau de quate que formen aguest organ collegiat:

Prumèr.- Aprovar iniciaument eth Plec de clausules administratives particulars qu'a de regir era contractacion des òbres, plec que s'adjunh coma annèxe en expedient e que demorarà a disposicion des persones fisiques e/o juridiques interessades, atau coma era despena corresponenta ad aguesta contractacion per un pressupòst totau de tres cents quinze mil euros (315.000,00 €) IVA includit, damb eth desglossament següent:

- Dus cents seishanta mil tres cents trenta euros damb cinquanta sèt centims (260.330,58 €) en concèpte de valor estimat o pressupòst net e,
- Cinquanta quate mil sies cents seishanta nau euros damb quaranta dus centims (54.669,42 €), en concèpte d'IVA ath 21%

Eth valor estimat deth contracte ei de 260.330,58 €.

Dusau. - Aprovar er expedient entara contractacion des òbres de "*Mielhora e mantenement de camins dera Val d'Aran 2026*", mejançant procediment dubèrt simplificat, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

Tresau.- Dispausar era dubertura deth procediment dubèrt de contractacion, en tot procedir ara publicacion der anonci de licitacion en perfil deth contractant, en tot daurir en aguest moment eth tèrme de vint (20) dies naturaus entara presentacion d'aufèrtes, cossent damb çò que dispause er article 159.3 LCSP.



## Conselh Generau d'Aran

Quatau.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors.”

Eth tèxte definitiu d'aguest acòrd serà çò que resulte dera aprobacion dera acta.

E, entà qu'atau còste ar efècte oportun, signi aguest certificat d'orde e damb eth vistesplatz deth Vicesindic prumèr.

Vielha, signat electronicament

Vist e platz  
Era Vicesindic prumèr

Francisco Bruna Capel